

**Razvojna banka Federacije
Bosne i Hercegovine
Predsjednik Uprave**

Broj: 4277-III/21
Sarajevo, 07.5.2021. godine

Na osnovu člana 69. stav (2) tačka e) i člana 70. stav (1), (4) i (6) Zakona o javnim nabavkama Bosne i Hercegovine („Službeni glasnik BiH“, broj: 39/14), člana 20. Statuta Razvojne banke Federacije Bosne i Hercegovine, člana 8. stav (2) tačka d) Pravilnika o uspostavljanju i radu Komisije za nabavke (Službeni glasnik BiH broj 103/14) i preporuke Komisije za nabavke iz Zapisnika o pregledu i ocjeni ponuda broj: 4252-XI/21 od 06.5.2021. godine i člana 20. Statuta Razvojne banke Federacije Bosne i Hercegovine, u postupku nabavke usluga održavanja i servisiranja službenih vozila Razvojne banke Federacije BiH marke Škoda i VW, v.d. predsjednik Uprave Banke donosi

ODLUKU

o poništenju postupka javne nabavke usluga održavanja i servisiranja službenih vozila Razvojne banke Federacije BiH marke Škoda i VW

I

Poništava se konkurentski zahtjev za dostavu ponuda za nabavku usluga održavanja i servisiranja službenih vozila Razvojne banke Federacije BiH marke Škoda i VW, s obzirom da su dostavljene ponude ponuđača AUTOMERC ŠKORO d.o.o.P.J.3 Sarajevo, TOTAL TRADE d.o.o. Doboj i AUTODELTA d.o.o. Sarajevo neprihvatljive, a cijena ponude ponuđača SARADIS d.o.o. Sarajevo viša od procijenjene vrijednosti nabavke, odnosno osiguranih sredstava za predmetnu nabavku.

II

U skladu sa odredbama člana 70. stav (6) Zakona o javnim nabavkama, ugovorni organ će objaviti ovu odluku na svojoj web stranici www.rbfbih.ba, istovremeno s upućivanjem iste ponuđačima koji su sudjelovali u ovom postupku.

III

Ova odluka stupa na snagu danom donošenja i dostavlja se ponuđačima koji su sudjelovali u postupku javne nabavke, saglasno članu 71. stav (2) Zakona o javnim nabavkama.

OBRAZLOŽENJE

Odlukom broj 3452-III/21 od 14.4.2021. godine, odobreno je pokretanje postupka javne nabavke usluga održavanja i servisiranja službenih vozila Razvojne banke Federacije BiH marke Škoda i VW za period od 12 mjeseci. Javna nabavka je provedena putem konkurentskog zahtjeva za dostavu ponuda, a kriterij za dodjelu okvirnog sporazuma/ugovora je najniža cijena.

Procijenjena vrijednost nabavke iznosi 15.000,00 KM.

Obavještenje o nabavci predmetnih usluga objavljeno je na Portalu javnih nabavki dana 16.4.2021. godine, broj obavještenja: 1011-7-2-211-3-13/21.

Tenderska dokumentacija objavljena je zajedno sa obavještenjem.

Odlukom Ugovornog organa broj 2715-III/21 od 24.3.2021. godine imenovana je Komisija za nabavke Razvojne banke Federacije BiH, a kojom su definisane njene nadležnosti koje uključuju poslove otvaranja, pregleda i ocjene ponuda, te davanje preporuke za odabir najpovoljnijeg ponuđača.

Komisija nadležna za provođenje predmetnog postupka, saglasno članu 65. Zakona o javnim nabavkama, sačinila je Zapisnik o pregledu i ocjeni ponuda broj 4252-XI/21 od 06.5.2021. godine u kojem je utvrđeno da su pravovremeno pristigle 4 (četiri) ponude kako slijedi:

R. Br.	Naziv i sjedište ponuđača	Datum i sat prijema ponude	Cijena ponude (u KM)	Popust (u KM)	Ukupna cijena bez PDV-a (u KM)
1.	SARADIS d.o.o. Sarajevo, Donji Hotonj b.b., Sarajevo, Vogošća	27.4.2021. godine u 9:20 h	19.826,37	0,00	19.826,37
2.	AUTODELTA d.o.o. Sarajevo, Bolnička do br. 11, Sarajevo	28.4.2021. godine u 09:00 h	13.472,00	0,00	13.472,00
3.	TOTAL TRADE d.o.o. Doboj, Krnjinske srpske brigade 102, Doboj	28.4.2021. godine u 09:05 h	12.026,71	0,00	12.026,71
4.	AUTOMERC ŠKORO d.o.o. Kiseljak-P.J. 3 Sarajevo, Džemala Bijedića 199	28.4.2021. godine u 09:10 h	12.000,09	0,00	12.000,09

Na osnovu izvršene analize i ocjene pristiglih ponuda, Komisija je utvrdila sljedeće:

- ponuda ponuđača AUTOMERC ŠKORO d.o.o. P.J.3 Sarajevo nije privatljiva iz sljedećih razloga:

Navedeni ponuđač nije dostavio cjenovnik rezervnih dijelova na CD-u, a što je definisano tačkom 19. tenderske dokumentacije kao i obrascem za cijenu ponude. Ponuđač je na CD-u dostavio ponudu za dio rezervnih dijelova za motorna vozila Audi, Golf i sl. što nije predmet ovog postupka nabavke usluga održavanja i servisiranja.

U obrascu za cijenu ponude, koji je prilog tenderske dokumentacije, naznačeno je da „u slučaju pojave nepredviđenog kvara i potrebe za neplaniranim rezervnim dijelom, cijena će se obračunavati prema dostavljenom cjenovniku.“ Isto je definisano i u nacrtu Okvirnog sporazuma u članu 11. kako slijedi: „Izvršilac je obavezan da nakon izvršene usluge, ispostavi fakturu u skladu sa cijenama datim u ponudi/obracu za cijenu ponude i cjenovniku na elektronskom mediju - CD-u (u slučaju nepredviđenih kvarova i potrebe za neplaniranim rezervnim dijelom).“

Također, ponuđač je dostavio sadržaj ponude koji nije potpisan i ovjeren pečatom ponuđača, a što je zahtijevano tačkom 19. tenderske dokumentacije.

Iz prethodno navedenih razloga, a u skladu s članom 68. stav (4) tačka i) ponuda se odbacuje, jer ista nije potpuna i ne ispunjava zahtjeve iz tenderske dokumentacije.

- ponuda ponuđača AUTODELTA d.o.o. Sarajevo nije prihvatljiva iz sljedećih razloga:

Navedeni ponuđač nije dostavio cjenovnik rezervnih dijelova na CD-u, a što je definisano tačkom 19. tenderske dokumentacije kao i obrascem za cijenu ponude. Ponuđač je na CD-u dostavio ponudu za dio rezervnih dijelova za motorno vozilo Audi, Golf i sl. što nije predmet ovog postupka nabavke usluga održavanja i servisiranja.

U obrascu za cijenu ponude, koji je prilog tenderske dokumentacije, naznačeno je da „u slučaju pojave nepredviđenog kvara i potrebe za neplaniranim rezervnim dijelom, cijena će se obračunavati prema dostavljenom cjenovniku.“ Isto je definisano i u nacrtu Okvirnog sporazuma u članu 11. kako slijedi: „Izvršilac je obavezan da nakon izvršene usluge, ispostavi fakturu u skladu sa cijenama datim u ponudi/obrascu za cijenu ponude i cjenovniku na elektronskom mediju - CD-u (u slučaju nepredviđenih kvarova i potrebe za neplaniranim rezervnim dijelom).“

Iz prethodno navedenih razloga, a u skladu s članom 68. stav (4) tačka i) ponuda se odbacuje, jer ista nije potpuna i ne ispunjava zahtjeve iz tenderske dokumentacije.

- ponuda ponuđača TOTAL TRADE d.o.o. Doboj je neprihvatljiva iz sljedećih razloga:

U dostavljenoj potvrdi o uspješnoj realizaciji ugovora izdatoj od strane društva DMD INTERCOMERC d.o.o. Brčko naznačeno je da je realizovan ugovor o održavanju i servisiranju vozila marke Škoda i VW, te da su uspješno isporučene „robe iz predmeta ugovora“.

Tačkom 15.1. tenderske dokumentacije definisano je da u skladu sa članovima 48. i 50. Zakona o javnim nabavkama, ponuđač je dužan, uz ponudu, u svrhu ispunjenosti zahtjeva u pogledu tehničke i profesionalne sposobnosti, dokazati da:

- ima uspješno iskustvo u realizaciji najmanje jednog ugovora koji je u vezi s predmetom nabavke za period ne duži od tri godine, računajući od datuma objave obavještenja o nabavci, ili od datuma registracije, odnosno početka poslovanja, ako je ponuđač registrovan, odnosno počeo s radom prije manje od tri godine, s minimalnom vrijednošću 15.000,00 KM bez PDV-a ili više ugovora zbirne vrijednosti od minimalno 15.000,00 KM bez PDV-a, a koji je/su u vezi s predmetom nabavke (ugovor o uslugama održavanja/servisiranja vozila iz programa Škoda i/ili Volkswagen).

S obzirom da je predmet nabavke „Održavanje i servisiranje vozila marke Škoda i VW“ odnosno da se radi o uslugama, gdje je decidno i u obrascu za cijenu ponude navedeno da se radi o usluzi sa ugradnjom dijelova, a ne o isporuci robe, iz dostavljene potvrde je vidljivo da se radi isključivo o robama koje su isporučene, a ne o izvršenim uslugama, što je suprotno zahtjevima tenderske dokumentacije.

Također, u potvrdi nije navedeno ime i prezime direktora koji predstavlja društvo koje je izdalo potvrdu, potvrda je samo parafirana.

Iz prethodno navedenog razloga, a u skladu s članom 68. stav (4) tačka i) ponuda se odbacuje, jer ista nije potpuna i ne ispunjava zahtjeve iz tenderske dokumentacije.

- ponuda ponuđača SARADIS d.o.o. Sarajevo je viša od osiguranih sredstava Banke - Ugovornog organa za predmetnu nabavku za 4.826,37 KM (cijena ponude iznosi 19.826,37 KM, a procijenjena vrijednost nabavke je 15.000,00 KM).


U postupku donošenja ove odluke posebno su cijenjene činjenice da je Komisija za nabavke pravilno i potpuno izvršila ocjenu kvalificiranosti ponuđača, te pregled i ocjenu ponuda, u skladu sa kriterijima iz tenderske dokumentacije.

Imajući u vidu da su dostavljene ponude ponuđača AUTOMERC ŠKORO d.o.o. P.J. 3 Sarajevo, TOTAL TRADE d.o.o. Doboj i AUTODELTA d.o.o. Sarajevo neprihvatljive, a da je cijena ponude ponuđača SARADIS d.o.o. Sarajevo viša od osiguranih sredstava Ugovornog organa za predmetnu nabavku za 4.826,37 KM (cijena ponude iznosi 19.826,37 KM, a procijenjena vrijednost nabavke je 15.000,00 KM). te da se u skladu s članom 3. stav (3) Pravilnika o uslovima i načinu korištenja e-aukcije (Službeni glasnik BiH broj 66/16) u slučaju prijema jedne prihvatljive ponude e-aukcija ne može zakazati, nego se postupak okončava u skladu sa članom 69. Zakona o javnim nabavkama, odlučeno je kao u dispozitivu ove odluke.

Pouka o pravnom lijeku: Protiv ove Odluke može se izjaviti žalba u roku od 10 (deset) dana od dana prijema ove Odluke, saglasno članu 97. 99. i 101. Zakona. Žalba se podnosi u najmanje 3 (tri) primjerka.



v.d. predsjednik Uprave


dr. sc. Semir Fejzić

Dostaviti:

- Učesnicima u postupku